

明

史

朔方志卷四 百十五

外蕃傳

外蕃志

哈密

哈密古伊吾廬地漢置酒泉張掖燉煌三郡晉為涼州牧張寶所據唐隸隴右道為伊州安史之亂盡沒吐蕃元封其孽忽納失里為威武王洪武初於張掖置甘肅五衛酒泉置肅州衛武威置涼州衛隄中置西寧衛別置山丹永昌鎮番莊浪四衛高臺鎮桑古浪三千戶所自蘭州渡河千五百里至肅州西七十里為嘉峪關永樂二年安克帖木兒貢馬詔封為忠

順至設七衛曰哈密安定阿端赤斤蒙古曲先寧東
左而哈密最西東去肅州西去土魯番各千五百里
北數百里抵瓦剌以天山為界授頭目馬哈麻火只
等指運分居苦峪城三年王為鬼力赤毒死無子兄
子脫脫俘居中國命護歸嗣王賜金印誥命以地當
西域咽喉天方等三十六國八貢必取道哈密令譯
事諸番貢表偵察回背用華人為長史紀善稍視內
藩而部落雜居有回回畏兀兒哈刺灰三種各立都
督佐之四年賜王及其祖母速哥失里母妃從母綺
帶有差是歲王為祖母所逐勅復立為王六年王及

祖母各遣使朝貢賜表裡及織衣靴襪而脫脫以洗
滌衆茶耐九年卒封克力帖木兒為忠義王賜印緡
王帶哈納為都督僉事守哈密王卒弟李羅帖木兒
嗣仍封忠順王賜誥印十二年員外郎陳誠使西域
還言哈密城在平川可三四里城北大山三面皆平
地王稱建壇有衆數百戶多蒙古回回人俗犷悍好
剽劫城貢使經哈密輒索道路錢乃聽出入洪熙元
年貢疏黃帝諭遣使哈密既有火藥宜謹備宣德初
年卒遣使封其姪卜答失里為忠順王孱弱三年復
卒克力子脫歡帖木兒嗣忠義王共理國正統四年

貢王求紆綵于四表裏是時兀剌強數侵哈密哈密
懼稍持兩端詔諭母背德猶不悛至拘留漢人轉鬻
使至多暴橫或毆死防護軍校遠臣請絕貢詔曲貸
天順元年賜王朝服母妻畧畧冠四年賜緞金箔簪
桂茶礬而忠順王再傳為索羅帖木兒天順末為首
者林所執無子王母努溫答夫力畧國事遷北加恩
爾殘破國人奔潰未貢動以千百邀宴賞却傳頗疲
成化元年從尚書姚夔議令哈密歲一貢以八月驗
故入關無過三百人起送三十人赴京其土魯番亦
力把力等或三年五年入經哈密者及期偕來無過

十人哈密王母撫緝流亡稱朝廷厚意二年兵部奏
王母以亂如思蘭侵掠避居赤斤苦峪今寇退宜勅
還哈密報可三年以把塔木兒為右都督守哈密把
塔木兒脫歡外孫也八年卒子罕慎襲赴京貢駝馬
加賞而土魯番方強盛控弦五萬其速檀阿力尤雄
點九年挾哈密掠赤斤諸番王母不從遂見擄劫金
印去罕慎竄苦峪城甘肅撫臣姜良以聞兵部尚書
白士言哈密為戎西藩土魯番無故凌奪不赦則赤
斤諸衛盡為蠶食嘉峪外皆強敵而禍中甘肅請集
廷議恢復因奉高陽伯李文通政劉文住經略之既

朵爾罕來赤斤番兵數千駐嘉峪不敢進詔言阿力
欲來虛搗二衛宜退兵自守遂引還阿力始輕中國
十二年遣使赤兒米卻來貢且致書鎮巡飾罪稱王
母已死朝使至即歸金印城池然特譟語無還意其
冬更鑄哈密印賜罕慎於苦峪立衛居之給土田
及牛具穀種十四年阿力死子阿黑麻立年尚幼甘
肅撫臣王濬請乘間納罕慎十八年罕慎入哈密嗣
忠順王罕慎貪殘國人怨望西域諸邦使苦要索亦
有違言二十二年瓦剌酋阿沙赤等相讐殺西來據
哈密尋引去弘治元年奸回誘阿黑麻攻哈密阿黑

麻亦牡乃曰罕慎非脫脫族安得王王故應我伴好
語罕慎聯姻至哈密城下頂經盟誘殺之亦未敢頌
言據哈密遣使入貢請代領西域職貢且乞大通往
和番兵部尚書馬文升議土魯番與哈密各有分地
安得相併請勅阿黑麻還王母及金印歸我哈密四
年遣哈密頭目馬亦虎仙貢勅諭阿黑麻時王母已
死阿黑麻亦悔懼上金印及所據城詔褒予金幣陞
馬亦虎仙為都督僉事文升謂戎俗重種類且服元
久哈密故有回回等三種而北山又有小列剌也克
力和侵逼必得元爵鎮之可憐諸番乃行求忠順近

屬得曲先安定王姪陝巴五年取哈密三種人合詞
奏保立為王以奄克索刺阿木郎輔之未幾諸番震
已獨賜不得阿木郎更引哈刺灰掠土魯番牛馬阿
黑麻怒六年復以兵入哈密走解阿木郎執陝巴及
金印去事聞命兵部郎張海都督僉事侯謙往經理
之會阿黑麻遣馬亦滿達兒等修貢至京下廷議通
事王英言罕東及野乜克力諸部怨土魯番刺骨撫
而用之皆吾兵也西域使者方叩關倚互市為利我
釐阿黑麻罪謝勿與通令彼窮而歸怨皆吾間也而
廷議皆欲海等以微徃如土魯番歸陝巴聽予肯否

則留前使勿遣而絕其後使從之海等至甘州遣哈
密人賫勅往諭阿黑麻不報乃修嘉峪關捕哈密奸
回通阿黑麻者二十餘人戍廣西請絕西域貢七年
海等不俟命輒還帝怒黜之文升請安置罵亦滿速
兒于閩廣稍用王英策閉嘉峪關令西域歸怨阿黑
麻當是時西域諸國皆言成化間我入貢皇帝先遣
中賁人迎我河南至京宴賜甚夥今不撫我我從海
萬里貢獅子謂我開海道却不受即從河南貢者宴
賁亦薄天朝棄絕我相率從阿黑麻且拒命阿黑麻
遂獲入哈密自稱可汗大掠漠東諸部謀言用雲梯

攻肅州且踰甘州文升曰此虛聲恐喝我耳土魯番
至哈密十數程中經黑風川哈密至苦峪又數程皆
絕水草資使往送馱水行我第整師旅謹斥堠俟彼
至肅州出奇縱擊以逸待勞可匹馬不返也已而阿
黑麻西去留其將牙蘭以四百騎據哈密文升曰是
可襲而執也召肅州指揮楊肅至撫其背曰爾諸酋
情悉西域道里今欲擒斬牙蘭策安在肅言罕東有
間道可進兵不旬日達哈密文升曰如若言以罕東
兵三千為鋒我師三千繼後各持數日糗食兼程襲
之若何肅稱善文升即屬甘肅巡撫許進調兵食遣

副總兵彭清統銳卒由南山馳至軍東急令軍東諸
番乘夜倍道襲牙蘭八年冬進及總兵劉寧抵肅州
矢駐關外餽軍東兵不至乃倚清循大路行以水草
乏不得馳牙蘭詞知宵遁師入哈密得陝已妻女并
牛羊三千斬級六十而還士馬乏糧多物故帝念邊
臣勞仍叙賞自是西域亦頗憚中國九年阿黑麻復
破哈密令其將撒他兒奄克字刺住刺木城奄克字
刺密結瓦刺小列禿襲斬撒他兒據哈密阿黑麻遣
兵圍之哈密人與火小列禿來援退走奄克字刺未
肯多請乞卻之十年阿黑麻以絕貢失互市窘甚令

其寇馬黑上書願悔還陝已及金印至甘州易前
四十餘使予貢如故文升恐挾詐請候陝已金印至
甘州始取寫亦滿速等子闡廣起都御史王越總制
三邊經略哈密明年越出河而取陝已至甘州令哈
密三種都督曰回則寫亦虎仙畏兀兒則奄克字刺
哈刺灰則拜迷力迷失其輔之奄克字刺以罕慎弟
與陝已不協越乃以罕慎女也先王刺妻陝已結好
賜陝已大帽蟒玉封為忠順王故寫亦滿速等西歸
會越卒哈密三種人久厭兵入居甘肅境上不願歸
文升請許留家之半往來自便十二年以兵獲陝已

還哈密土魯番諸部許復入京朝貢勞賜良厚陝巴
等酒格克諸部咸貳十七年阿李剌陰搆阿黑麻迎
其次子其帖木兒米王哈密陝巴走沙州守臣遣指
揮董傑及奄克字刺往諭部衆迎陝巴還阿李剌不
從傑等遂擒斬阿李剌并其黨六人餘怖服乃令都
指揮朱瑄勒兵送陝巴復國而以真帖木兒還土魯
番真帖木兒時年十三其母亦罕慎女也會阿黑麻
死諸子讐殺真帖木兒懼不敢還願依奄克字刺曰
吾外祖也守臣恐與陝巴嫌使居甘州而其兄滿速
兒尋定國亂自立正德元年陝巴死其子拜牙即嗣

三年滿速兒稱速壇朝貢上書求真一書求真帖木
兒兵部議質所受不予五年走出城追獲之八年令
哈密三都督送真帖木兒西還至哈密奄克剌欲
止之馬亦虎仙滿剌哈三不可獲至土魯番以國情
輸滿速兒潛誘拜牙即叛中國拜牙即誅暴心怵屬
部謀害欲挾奄克剌往不從奔肅州拜牙即竟棄
城走土魯番滿速兒令火者他只丁與馬亦虎仙滿
剌哈三取金印守哈密又令火者馬黑木等至甘州
索賞哈密諸部譯書言拜牙即棄國從番乞命將守
哈密巡撫趙鑑謬謂滿速兒忠義守城勤勞令撫我

客送以金幣滿速兒遂率衆分據刺木城真帖木兒
又言河西大饑人死亡且半甘州城南黑河可引灌
城日夜聚謀侵甘肅遣書鎮巡索金幣萬贖哈密城
印總制鄧章以聞命都御史彭澤督兵經畧十年澤
抵甘州土魯番寇亦斤苦峪恣殺掠復遣書索金幣
澤度滿速兒強未易兵定乃以繒綺二千白金器達
通事火信同寫亦虎仙入土魯番說令和好滿速兒
喜許增幣歸金印城池澤不候報遽上言事定召還
京滿速兒謀知兵罷蓋驕四出侵掠關外諸衛又結
瓦剌寇河西且遣使索所許增幣十一年巡撫李昆

以雜幣二百道之令送拜牙即還國質留未使虎都
六撒者兒縻其意滿速兒聞質二使怒令火者他只
丁牙木蘭復據哈魯而引萬騎犯肅州遊擊芮寧樂
之敗沒兵迫城下降回斬已思高彥名等頗為內應
兵併副使陳九疇廉得之收繫諸回及都督失拜烟
答捶殺之嬰城守調屬部兵劫其老營遣人結瓦刺
檣巢穴破其三城滿速兒狼狽走副總兵鄭廉尾擊
敗之瓜州九疇遂發馬虎亦仙傾陷哈魯狀滿速兒
獲請和昆以聞九疇言土魯番不臣宜絕其使與昆
議左兵部尚書王瓊修却彭澤忌九疇功媒繫之適

夾拜烟谷手米兒馬黑麻方入貢突入長安左門訟
寃下錦衣衛會兵部三法司奏行河西訊報璦因發
澤欺罔辱國九疇輕率激變罪十三年逮昆九疇至
廷鞠幾殺澤九疇大學士楊廷和救之並削籍昆謫
副使己刑部會審并脫馬亦虎仙死帝幸會同館寫
亦虎仙以秘術干進賜國姓隨上南征嘉靖改元復
諭斬死獄中臺省交章劾璦挾私忌功謫戍起澤兵
部尚書九疇僉都御史巡撫甘肅三年滿速兒大舉
入寇以二萬騎入甘州九疇率衆先登力戰解圍乘
夜倍道追至肅州夾擊破之斬火者他只丁衆詳滿

速兒中流矢死矣遂以聞方河西危急帝遣尚書余
獻民都督杭雄濟師至蘭州聞捷用九疇議遣其使
閉關絕貢而滿速兒故無恙也四年牙木蘭復據哈
密侵肅州起楊一清督陝西軍務初哈密二種避仇
內徙一居肅州東關一居金塔寺諸處九疇議移肅
州北境棄地以杜後患一清以兵部外徙不北命危
剌必西連察台徙足召繫鐵邊寢尋一清召入玉憲
代之盡出平涼所羈貢使往諭土番令悔罪還我
哈密未從會廷和坐議禮罷澤亦去張璁桂芳用事
方璽廷和知平變想之言哈密不請由彭澤澤以廷

和曲施惟惡用璦西鄙乃可寧也七年起璦總督代
憲璦上書論澤九時事言滿速兒寶不死按驗當北
時誣罔總等擬坐斬并罪廷和刑部尚書胡世寧力
爭九時雖上首功失寶然其人忠勇再保河西有功
為土魯番所忌得免死戍邊澤閑住其年牙木蘭率
衆來歸牙木蘭本曲先人幼為土魯番所掠黥面善
兵滿速兒倚之娶火卒哈即女與寫亦虎仙妻為女
兄弟陰相構結數盜邊至是滿速兒令牙木蘭據沙
州索覓留貢使且率帖木哥土杞攻肅州以還回欲
殺之牙木蘭懼率帳房二千老稚萬人乞白城山金

塔寺係牧許之土魯番酋虎力納咱兒糾尾刺寇肅
州遊擊彭濟樂却之今年土魯番貢獅子願歸哈
城及所掠永牙木蘭瓊奏哈密既歸乞令失拜烟塔
子米兒馬黑木守哈密貢使二十四人放回所竊各
酋男婦千餘人安插沙州土把帖木哥部落五十四
百人置白城山哈密都督札吉李刺部落置肅州東
郭赤斤都督瑣南東置金塔寺罕東都指揮枝丹置
甘州南山止欲縛永木蘭予之下兵部議廷臣頗言
哈密難守虜事寢輟言畢哈密者離西北之交以屏
藩內郡或難集守遂欲棄之將甘肅難守亦棄不守

乎太宗之立哈密用元遺孽力能自立今嗣王絕矣
天之所廢孰能興之惟于諸番中求雄傑能守城印
戰部落者因而立之母規規忠順後可也兵部尚書
胡世寧言先朝不惜棄大寧交趾何有哈密哈密自
罕慎以來三為土番所擄相與狎比且邀索我矣
國初封元孽和寧順寧安定三王安定又在哈密內
近我甘肅今存亡不可知一切不問而獨戀戀哈密
何也臣愚謂宜專守河西謝哈密無煩中國便又言
牙木蘭本屬部歸正非叛不宜遣還唐悉怛謀事可
鑒也總等力主緩議安置諸番于肅州境內獨留牙

木蘭如世寧言九年滿速兒遣虎力奶翁及天方諸使貢方物復索牙木蘭謀言諸番要約候虎力奶翁歸復侵肅州會虎力奶翁道病死瓦剌又攻其北部遣警稍息而來降人言土魯番欲以城予失拜烟荅要管理兵部因許其通貢著令三年或五年為期十二人入京餘留塞上是後名存哈密竟為土魯番所據諸番皆為所逐失故土而逃北窟西海瓦剌策北山河西三面皆苦寇盜哈密餘部虎爾的等追求內附總督王夢弼請分發甘肅寄住哈密都督拜言索刺各部下崇禎中肅州境外哈密頭目綽庫兒以三

人叩嘉峪關求賞總兵徐家壽誘至以地飽中之綽
庫兒走免怨恨勾黃台吉夫奉入犯自後迄北日強
哈密迄不能守其地有天山匈奴過此必下馬拜馬
駿山有望鄉嶺李陵題字處合羅川唐回鶻公主所
居基址尚存地無水而常寒多雪每天煖雪消乃得
水產馬駝玉石鑽鐵榛米麥豌豆大尾羊秋子胡桐
律陰牙角香橐

按桂萼廣輿圖西北諸小國曰哈三曰哈烈兒沙的
蠻曰哈失哈兒曰哈的蘭曰掃蘭曰七克沙曰把丹
砂曰把力黑曰俺力麻曰脫忽麻曰察力失曰幹失

曰卜哈刺曰怕刺曰失刺思曰你沙兀兒曰克失迷
兒曰帖必力思曰果撒思曰火壇曰火占曰苦先曰
牙昔曰牙兒干曰戎曰白曰兀倫曰耶思誠曰坤城
曰捨黑曰擺音曰克吼曰元方 皆由哈密進
貢或三年五年無常期後哈密殘破徑叩嘉峪關今
亦無攷

赤斤蒙古

赤斤蒙古在肅州西去沙州一百八十里古月氏地
漢燉煌酒泉二郡唐末沒于吐蕃宋入西夏元為辰
州永樂二年故元丞相苦述子塔剌尼率五百人來

歸詔設赤斤蒙古千戶所以塔力尼為千戶賜誥印
尋陞衛進指揮僉事十年叛寇老的罕走匿赤斤命
左庶子楊榮豐城侯李彬往討以道險艱轉餉罷諭
塔力尼明年遣瑣南吉利刺擒老的罕來獻帝悅厚
勞之進指揮使亡何卒子且加失旺嗣宣德七年命
居所部蒙古祖失加卜等于平涼正統五年且加失
旺累陞都督僉事明年朝使往哈密不獲出疆而都
指揮華古者西略沙州勅諭改圖以偪瓦剌乞內遷
肅州白城山不許已請建寺守臣謂予寺不已且予
築都之且加失旺卒子阿速嗣始瓦剌也先自阿速

父時求婚至是要往受聘阿速以聞後請避地內徙
詔赤斤世守地不可棄茅保陰自備時瓦剌強赤斤
與沙州罕東諸衛名內屬陰與市至受平章等杖累
詰責不能禁十一年指揮同知鎖合者赴闕求携部
歸命帝遣還下其事總兵任禮先是苦木娶于西番
生塔力尼又娶于蒙古生鎖合者及革古者乃分所
部為三帳自領中帳而合塔力尼領左隸以西番人
鎖合者領右隸以蒙古人至且加失旺父子相繼亦
斤部衆強欲併右帳因擊殺鎖合者以害自歸頃之
死予切塔兒嗣而哈密使者道赤斤為部衆劫掠阿

達不能戡邊更捕首惡械送京師景泰中阿達歷陞
左都督五年瓦剌也先以書誘脅赤斤諸衛阿達上
其書諭勿與通成化二年卒子瓦撒塔兒嗣會哈密
王母避居赤斤苦峪諭還故地六年以瓦撒塔兒叔
乞把失加卜丁二人為指揮僉事佐之從其請也明
年瓦撒塔兒卒子賁卜達兒嗣以幼懦衆推指揮加
定番秩代視事是後土魯番陷哈密恣掠赤斤其酋
罕印并部落東徙肅州南山邠來河泉及迤北金塔
寺正德十年土魯番侵甘州掠赤斤人畜千計奪印
去以都御史彭澤撫賞送歸而種人散走塞下衛遂

嘉靖七年尚書王璠議撫屬番查赤斤部千餘人
以貢上達兒子鎖南來襲父職朝貢其地有白山產
金駝馬肉苁蓉胡桐律緊程革柏脉根沙朶麋金鼓
砦礪砂

安定阿端

安定亦月氏地漢屬燉煌郡廣袤千里東至罕東北
抵沙州無城郭總帳為廬產馬駝玉石俗以馬乳釀
酒飲之亦醉洪武七年撒里畏兀兒安定王卜烟帖
木兒遣使來朝賞錢串刀劍賜金綺分其酋長為四
部曰阿端阿真苦先帖里各賜印而卜烟帖木兒賜

銀印仍稱安定王明年獻元所授金銀字牌因置安定阿端二衛分統四部永樂二年表貢馬五百匹令指揮康壽往受之壽言令甲諸番貢馬賞以茶官為轉輸今安定遠請給布絹報可亡何王為曲先攻殺部落潰散十一年其孫亦攀丹復攻封賜印誥遣使輸祭前王二十二年中使往西域道死于賊都指揮莽英率兵至罕東問故言賊中使者安定曲先酋也英進擊安定俘斬千餘獲駝馬牛羊巨萬曲先遁去宣德二年以安定僧賞竹領真為國師給印誥是後王與國師並入貢而國師外復有禪師自永樂後留

西寧正統時都指揮汪清疏其窺伺內地詔歸安定
輔其王九年安定酋那南奔等掠曲先勒亦攀丹約
束部落十一年卒子領占幹些兒嗣王尚幼以其叔
輟思叅已為指揮僉事佐之成化中為土魯番殘破
弘治初安定王子千奔嗣王遣使入貢會議求哈密
忠順王近裔詭稱安定同系以姪陝巴承襲尋為土
魯番執去而千奔終弘治貢使不絕正德七年迤北
亦卜剌據西海破安定奪其誥印種人汪鑑爾加等
寄跡河州歸德十年安揮西寧嘉靖中尚書王瓊訪
求原守墳塔國師藏卜哈巴及汪鑑等令住牧沙糖

川部酋襲指揮職領其衆而安定王苗裔無傳阿端
久沒莫知其處

曲先

曲先在甘州西南東抵安定北距肅州亦月氏地也
漢屬張掖郡元置曲先荅林元帥府永樂四年設衛
以土人散西思為指揮同知頃之為朵兒只巴所攻
并入安定居阿真地其後散西思同安定酋刼殺中
使都指揮李英窮追踰崑崙西數百里乃還宣德二
年復掠西域貢使都督史昭率安定罕東兵討之進
馬贖罪還其俘令居故部指揮那那罕表言部落五

百餘為安定所掠餘衆潰居西番江不敢歸招安定
王道還復業正統二年頭目黑麻札遣指揮火丁貢
方物成化後以土魯番及亦不剌侵掠部落走匿烏
思藏西衛人牙木蘭劫于土魯番率衆蹂哈密其兄
脫蹄聚帖木哥女弟收衛印部衆二百餘依帖木哥
于沙州嘉靖七年牙木蘭與土魯番疑二擁衆三千
與罕東衛帖木哥木巴等來歸詔安棟湖廣江夏遂
畱田寇為大賈而曲先故地盡失矣其俗服色尚白
裘易以青產珠珊瑚名馬殊砂

罕東在甘州西南亦燉煌地也唐陷西戎張義潮以
州歸順建歸義軍梁後易曹姓迄宋朝貢洪武二十
五年入寇涼國公藍玉討之土酋哈答遁去三十年
酋長鎖南吉利思遠使入貢立罕東衛以為指揮僉
事永樂二年與其兄答力襲等十二人貢馬進指揮
使以答力襲為同知頭目奴奴為僉事各賜官帶鈔
幣歲修貢不絕洪熙元年指揮那那奏部酋貢內供
馬匹赤斤而官兵方討曲先相驚欲為亂今守臣招
撫之曲先之後頭目班麻思結率所部從得首酋駝
馬獻宣德七年以功授指揮使九年罕東別部剌兒

加懿勅使者命都督劉廣討之劉兒加自歸還所掠
貢馬謝罪正統五年赤斤蒙古言指揮鎖合者殺人
逃罕東且誘其部落哈密亦言罕東擅相攻鹵人富
兩詔諭之十四年班麻思結言哈密來使命都御史
馬昂諭忠順王無仇罕東而都督喃哥以困瓦剌率
衆二百餘來降命居小東平山東昌二衛給糧及耕
地有差成化九年土魯番劫哈密城印高陽伯李文
等調罕東赤斤兵數千往苦峪關無功而還時罕東
諸部皆因土魯番而酋奄章先與諸族讐殺遁居沙
州部落日蒲班麻思結即奄章子也至是其孫只克

以沙州衛既廢請即其地立罕東左衛從之以只克襲祖職領衛尋進都督僉事弘治八年土魯番掠沙州只克請救尚書馬文升擬發罕東兵往以失期不克自是土魯番每入寇假道罕東令給食而亦不刺安定數掠其資罕東益微正德中陳九疇繫却土魯番沙州稍得生聚復歸耕牧及牙木蘭再入殘破其酋土巴等並叛附之時只克卒孫日羔刺嗣為都督嘉靖初與罕東他酋帖木哥土巴先叛附土魯番者時來歸尚書王瓊請分其衆半居肅州白城山半居威遠仍擇壯勇練習番土聽日羔刺約月餉累萬石

而各酋以城堡未築環居肅州二十八年巡撫楊博始葺威遠金塔寺諸城堡給以耕墾安插番帳凡七百餘部落男婦三千四百餘人為中約禁番漢交通惟朔望入城市易四十二年著今日羔刺等五年一貢二罕東衛遂廢

土魯番

土魯番在大州西百里漢車師前王地交河縣安樂城也城方一二里地平四面皆山城西二十里崖兒城河二里居民百餘家相傳故交河縣治永樂中二年陳誠使至其國明年土魯番遣使隨誠入貢授首

長都督指揮等官宣德五年都督尹吉兒察指揮猛哥帖木兒等率其孥來朝請留京師賜居第什器正統天順土魯番朝貢不絕成化初阿力淺強引兵攻哈密虜王母及金印去子阿黑麻又殺罕慎執陝巴滿速兒誘拜牙即走匿數犯甘肅語具哈密傳嘉靖十一年西域貢稱王者七十五人貢使至二百九十人禮官夏言請國稱一人王間臣張孚敬言西域封王者多恐彼自封授或部落相稱先年入貢稱王亦有三四十人者答勅並稱王今盡裁奪恐觸望言議西域稱王者惟土魯番天方撒馬兒罕三國如日落

諸國名甚多朝貢絕少弘治正德間土魯番扣三八
貢天方四入貢稱王者率一人或二三人餘稱頭目
親屬嘉靖二年八年稱王者天方至六七人土魯番
至十一二人此兩年間撒馬兒罕至二十七人間臣
言先年稱王亦有三四十人者併數三國耳今土魯
番十五王天方二十七王撒馬兒罕五十三王併數則
百五六十王前此所未有若循往年故事人與一勅
類荅王號恐非所以尊中國而嚴外藩也帝從言議
明年土魯番使虎力奶翁訴甘肅內臣縱僕橫恣狀
勅遣大理少卿蔡經同科陞錦衣各一員會督按查

勘降罰有甚久之滿達兒死子沙達檀嗣次子馬黑
麻復據哈密占據沙州二十四年遣使求貢并結地
住牧總督張璠以聞兵部議土魯番世濟克惡今馬
黑麻給婚瓦剌潛耕屬衛意在內言以謀泄求款恐
為窺伺甘涼之漸宜諭以中外界限毋妄乞母盜種
毋殘哈密乃許通使如其執迷請即閉關聲討明年
馬黑麻赴關納款而土魯番貢使火者阿力克等凡
八百七十四人叩嘉峪關巡撫傳鳳翔居之甘肅先
是諸番每假進貢商販延至三四年有旨禁其私出
館貿易勒期達還仍詔土魯番五年一貢貢使量准

赴京半留甘肅久之沙速檀侵遼北中流矢死弟馬
速嗣請貢許之隆慶時馬速死馬黑麻嗣其弟瑣非
等並遣使來貢禮部言一姓四使非例姑各附一使
于馬黑麻使中示羈縻無拂遠人意報可萬曆中並
來貢始甘肅無北寇專而防土魯番最奸狡自阿力
以來皆挾哈密邀利隆慶後不復言哈密事土魯番
頗息肩而北患自熾矣其俗候燧鮮雨雪宜麻麥饒
瓜果羊馬屋居奉佛多僧寺往陳誠使還言城西地
有聖山最大土人言此卞萬羅漢涅槃處也近山有
高臺傍寺擁石泉林木從此入山二十里至一快南

有小土屋屋南登山坂得石屋供小佛像五前有池
池東小青黑遠望紛如毛髮土人言此十萬羅漢洗
頭削髮處也緣峽東南行六七里登高崖崖下小山
累累峰巒秀削其下白石成堆似玉輕脆不可握堆
中有若人骨狀者堅如石色輝明潤土人言此十萬
羅漢靈骨也又東下石崖崖上石笋如人手足稍南
至山坡坡石瑩潔土人言此辟支佛涅槃處也周行
群山約二十餘里悉五色砂石光焰灼人四面峻壁
窮崖天巧奇絕寡草木亦鮮鳥獸其人面貌類高麗
髯髮垂髻女子亦然兵器有弓矢刀楯甲稍文字有

毛詩論語孝經歷代子史集大藏經唐韻玉篇等稅
則計田輸銀或布婚喪畧同華夏產玉石鑄鐵金剛
鑽梧桐蘇陰牙角撒哈刺禪衣諸物其鄰為大州柳
城黑姜

大州

大州在嘉峪關外東距哈密西連亦力把力南抵于
闐北接瓦剌東南至肅州一月程即漢車師前後軍
地交河蒲類縣海漢置戍已校尉屯田于此以其地
勢高厥名高昌壘後魏有闐伯周自稱高昌王唐置
西州後沒于回鶻宋時通貢元號畏兀兒棟馬哈木

入明朝稱火州相傳其國師子王避暑北庭山中出
烟砂常有烟氣湧起至夕光焰如炬照見鳥鼠皆赤
火州所由名也永樂七年嘗遣使朝貢十二年陳誠
至其國言城方十餘里風土蕭條居民僧房泰半皆
零落東有荒城故址即高昌國宣德五年火州王哈
散偕土魯番萬戶賽因帖木兒柳陳城萬戶瓦赤刺
並貢馬及玉璞嗣後朝貢止稱土魯番云俗類匈奴
烏孫事天神信佛法好騎射春月出游持弓矢射諸
物以禳災婦人帶油帽謂之蘇蒂遮用開元曆以三
月元日為寒食澍水交澍為戲謂之壓陽氣氣候極

熟產五穀惟無蕎麥土貂皮砂鼠氍繡文花絨布亦
白鹽蒲桃酒刺密阿魏速霍角樂多琵琶箜篌

柳陳城

柳陳城一名壽城漢名柳中班勇西屯之所唐屬交
河去哈密千里中經大川沙磧無水草馬牛過此輒
死大風倏起人馬相失道旁堆骸骨白日鬼魅迷人
土人謂之旱海出川西行至流沙河上有小岡云風
捲浮沙所積道北火焰山色如火城方二三里四面
多田園流水環繞灌木岑鬱候暖俗醇宜稼麥麻豆
有小蒲萄名鎖子人二種回回男子削髮戴小單刺

婦女白衣裹頭畏兀兒男子椎髻婦人蒙皂布垂髻
于額宣德中酋長哈失哈力達十四人入貢

黑婁

黑婁在嘉峪關西近土魯番世締好貢道亦由土魯
番入其地山水草木禽獸皆黑男女亦然宣德七年
始遣使朝貢

于闐

于闐東西五千里南北千里在沙州西南去蔥嶺二
百里蔥嶺以南撒馬兒罕最大以北于闐最大于闐
有河北流與蔥嶺河合東注蒲昌海名鹽澤南出積

石為河源者也其西水皆西流注西海國人每歲秋
取玉于河曰撈玉夜視月光盛處索美玉必得焉河
分為三有白玉綠玉烏玉之別土宜五穀桑麻釀蒲
萄酒甚美俗機巧事祆神好歌舞西五百里有比摩
寺云老子成道之所自高昌以西國人深目高鼻惟
于闐貌似華人稍知禮節相見輒跪得問遺書戴于
首乃發之自漢武以來中國詔書符節傳以相授本
為筆玉為印善鑄銅器工紡織隋時以玉為氏至唐
姓尉遲名伏闐信入朝名晉時李昭天自稱唐宗通
貢至宋封為砮鱗黑韓王于闐謂金翅鳥為砮鱗黑

韓蓋可汗之訛云永樂六年其王打魯哇亦不剌金
達滿刺哈撒木丁貢玉璞十二年陳誠至其國見偏
鄰境頗單弱人民僅萬計皆避居山谷間永樂後西
戎修貢不敢相攻始獲休息行賈諸蕃國益富饒始
于闐貢使每來必携一寶鐺往反視之鈇鐺耳云其
來道流沙踰三月程無薪獨挈水行投鐺中即沸故
寶之產玉珠錦珊瑚翡翠琥珀水銀花蕊布金星石
腦胸臍鷄舌香獅子獨峯駝名馬

鹽澤本于闐河亦有小國平川中廣不二里居民百
家玉黑的兒火者既死土酋强者統之產石鹽堅白

如石可琢為器以盛肉食不墮而賊未見朝貢

亦力把力

亦力把力或曰馬者或曰龜茲在沙漠間東距火州西抵撒馬罕兒南接于闐北達瓦剌東西三千里南北三千里元時封馬哈木于此名別失八里洪武二十四年國王黑的兒火者遣使貢馬命主事寬徹報諭以書永樂四年王沙迷查千貢玉璞且言哈密忠順王為鬼力亦毒死願出兵討之帝喜特賜絲幣十二年陳誠使其國十六年頭目速哥克刺滿刺來朝言至思執其從兄納黑失罕自立為王徙其國東去

更號亦力把力宣德二年三年俱遣人朝貢賜文綺
弓矢甲冑正統二年其王也先不花遣人貢玉璞駝
馬景泰天順朝貢不絕其國無城廓宮室逐水草住
牧以氍毹為帳寒暑坐卧于地見人不拜揖惟行跪
禮有白山常有火烟出碕砂採者著木底鞋皮者叩
焦近葱嶺有熱海數百里蕃名亦息渴兒然氣候常
寒深山大谷六月飛雪平原夏秋稍暖王戴小革刺
簪鷁翎衣禿袖衫削髮貫耳甘肉酪或食糝麥俗獍
而織衣服類回回言語類畏兀兒產銅鉄鉛雌黃粉
馬駝犛牛孔雀鹿龍刺密阿魏白氍毹布又宣德間哈

失哈力遣十四人來貢即其國也又名阿拉馬力皆
稱呼之訛

撒馬兒罕

撒馬兒罕古屬賓國在懸度山西漢武帝通大月支
封為王隋時姓昭武唐為修鮮都督府元駙馬帖木
兒王其國洪武二十年帖木兒遣回回滿刺哈非思
貢駝馬詔厚賜之二十二年貢馬二十四年貢海青
賜勅加賚二十七年遣使迭力必失表貢馬二百匹
表曰皇帝膺運為億兆主光明廣大昭然天鏡今又
施恩遠國凡商賈入中國者使觀隴都邑城池雄壯

如出昏暗之中忽覩天日又承赦書恩撫勞問欽仰
聖心如照世之杯使臣心中豁然光明臣國中部落
惟知歡舞感戴祝頌聖壽永永無極照世杯者其國
舊傳有杯胡澈照之可知世事初撒馬兒罕人商于
漠北自捕魚兒海見執帝疑奸細留中國久得其情
遣歸其主因貢謝及之二十八年遣給事傅安郭驥
等使西域留撒馬兒罕永樂五年頭目哈里達虎及
達送還耳貢方物安等言帖木兒卒孫哈里應嗣帝
賜哈里璽書銀幣諭祭帖木兒賜安等衣已而兀魯
伯貢馬復遣安報使或曰兀魯伯即哈里是歲北平

按察使陳德文亦自撒馬兒罕歸德文自洪武末年
使西域採山川風俗作詩歌一帙進皇帝嘉之擢僉
都御史賜馬洪熙元年安始還帝以安遠使二十餘
年良苦特予勅命正統二年貢馬玉石四年貢名馬
色黑額蹄皆白詔圖像賜名瑞鵲十三年貢方物命
宴其使陝西布政使司成化十九年阿黑麻進二獅
至嘉峪關奏請大臣出迎禮官周洪模以為不可遣
中官迎之二十二年使泊六勝還國迂道至廣東將
往滿剌加市後魏入貢市船中使韋養佐之所在震
駭布政使陳選抗言此西域貢恐為奸利無墮其謀

開海道貽諸蕃笑事得寢弘治三年由南海貢獅及
鸛鵲禮官倪岳言南海非西域貢道請却之自後貢
皆從嘉峪關嘉靖初定五年一貢十一年額即訖哈
率求貢行總制唐龍查譯來使火者皮列稱哈率王
在撒馬兒罕北山額即訖地面任牧禮官夏言請暫
許給賞爾後令附撒馬兒罕進貢無得別稱王爵從之
是歲撒馬兒罕進貢稱王者五十三人語其土魯番
傳萬曆中並未貢其國東西相距千里東去嘉峪關
九千百里山川鉅門峽阿木河最大地平溫和田沃
宜五穀頗類中原城依平原濠深險北有子城王居

高廣城中遠巷縱橫市肆稠密西南番賈多聚于此
王白帽婦人白繒纏首尚回回教有拜天屋青石雕
鏤極精巧經文以羊皮裹泥金書善治宮室織罽刺
文繡禁酒以手取食屠牛羊者埋其血腥市用錢糧
貢物有番梳矮紉鎖眼腦砂梧桐酥銀鼠皮珊瑚樹
阿思馬亦花珠史稱鬱金香獨出罽賓花色正黃而
細大似笑容又有俱佛頭花併產金玉琥珀琉璃罽
茵思檀瓦矢寔甘露草水晶鹽花蓋布犍狔封牛木
猴孔雀獨峯駝大尾羊國東有養桑沙鹿海牙賽蘭
達失干西有濁石迭里迷卜花兒皆隸焉

養藝在撒馬兒罕亦力把力蒙古諸部落間數相侵
擾無寧居惟數百人戍孤城四面皆亂山東北有大
溪西流長數百里溪旁陂垣蔽廬蕭然荆莽

沙虎海牙在撒馬兒罕東五百里城據小岡西北臨
山河河名水站勢衝急有浮梁其地南近山三面皆
平川人繁庶依崖谷而居園林廣茂南有大沙洲可
二百餘里無水即有水不可飲飲牛馬輒死有臭草
高尺許枝葉如葢春生秋死取生汁熬膏為阿魏亦
有細草可熬膏味如蜜

賽蘭西去撒馬兒罕千里城周三里四面平原流水

環繞五穀蕃殖有浮圖為祈拜之所夏秋間草生黑
蜘蛛甚小啣人土人誦咒禳解以薄荷枝拂毒處鮮
羊肝遍擦其體痛方息行人宿必近水避馬會典載
西域貢物有賽蘭珠石

達失干去撒馬兒罕七百里城據平原甚狹小四面
平岡多林木溪流蜿蜒土宜五穀居民稠密俗樸而
饒

渴石在撒馬兒罕西南二百六十里城據大林周十
餘里四面水田東南近山中有園林故酋帖木兒居
也規模宏壯堂四隅白石柱如玉牆壁窓牖飾以金

碧琉璃兩行十數里多奇樹又西去三百里大山屹
立中有石峽兩壁懸崖如斧勢行二三里出峽有門
石色如鉄土人云此鉄門關也即元太祖見角端處
迷里迷在撒馬兒罕西南新舊二城相去十餘里王
居城東距阿木河河廣非舟不可渡多魚城内外居
民僅數百家孽畜蕃息河西有蘆林多獅子
卜花兒在撒馬兒罕西七百里城居平川周十餘里
市井富庶戶口萬計地平衍宜五穀桑麻天氣溫和
冬不附火蔬菜不絕產布帛綵綿六畜大類中國

亦思杞罕

亦思把罕廣袤近千里于西南海中為大國四面皆
海西北多山東南皆平沙王居宏麗城亦堅壯俗朴
尚佛畏刑食惟麥糴麥粒粗而甘美少布帛稻黍多
馬駝珠玕亦有中國人流寓時貢撒馬兒罕以取給
永樂中遣使四十人來朝貢一云亦思弗罕

答兒密

答兒密在海中不百里人不滿千家板屋無城郭王
居民舍不甚差別產馬駝牛羊布褐交易兼銀錢用
牛耕刑惟密樸服屬撒馬兒罕永樂中遣使十八人
來朝貢賜太統曆文綺藥茶

失刺思

失刺思永樂中遣使朝貢時遣官以綺幣磁器市馬于迤西撒馬兒罕失刺思諸國宣德中貢使凡八人

納失者罕

納失者罕去失刺思數日程皆舟行海中其國有山林川澤魚蜃城東平原饒水草可牧馬馬有數種最小者高不三尺俗重僧所至飲食之類尚氣健聞以不勝為恥永樂中遣使十人朝貢

哈烈

哈烈一名黑魯漠大宛也在撒馬兒罕西南去嘉峪

闊萬三千里元駙馬帖木兒子沙哈魯居其地國人
稱為速魯壇洪武二十五年遣使詔諭酋長賜金綺
永樂七年頭目麼齊等朝貢十二年陳誠使其國正
統二年指揮哈只等貢馬玉石其國石城方十里平
川百里四面大山王居東北山壘石為屋屋若高臺
無棟樑牆壁窓牖皆金碧琉璃旁列金床繡帳重茵
民土房或篷帳上下呼名王亦然相見微屈躬道撒
力馬力一語人善走日行可三百里候常燠少雨市
中流不斷水無正朔甲子七日一周以第一日為上
吉名阿啼納吉事多用之亦無斗斛用權衡為量貿

易以銀錢三等稅十二無刑罰有罪罰錢而已由美
多獲宜桑與蠶純綺紵密磁器精巧多水磨風磨少
炊爨飲食無匕箸不祀鬼神祭先于墓宴會豐厚婚
姻多以姊妹謂為至親死無棺槨以布囊裹尸瘞之
衣尚白喪易青黑酒禁甚嚴修行者多不飲恐褻天
也大抵西域諸國哈烈最瀆亂無耻然有學舍聚生
徒講習經義諸國所不及也其室名默得兒產巴旦
杏葡萄蘿蔔瑣袂花毯珊瑚琥珀珠翠金剛硃砂獅
馬白鹽堅潤如水晶琢為器沃以水和肉食其東屬
國有俺都淮八刺黑

俺都淮在哈烈西南千三百里東北撒兒馬罕亦如
之城在大村中村廣百里城居十一曠衍無險峻土
沃人稠稱樂土永樂中遣使入貢

八刺黑一名八黑在俺都淮東北城居平川周十餘
里南近山無險地平廣食物豐饒西南諸番聚焉永
樂中哈烈沙哈魯各遣其子守之天八答黑商其國
奉佛浮屠壯麗如玉宮永樂中遣四十人來貢織皮
裘屬香木疑即八刺黑

魯迷

魯迷不詳所始或云地屬哈烈嘉靖三年其王遣使

自甘肅入貢獅子二西牛一都御史陳九疇以聞給
事鄭一鵬言所獻皆非土性乞就彼犒遣以光聖德
杜窺伺不報明年禮官席書奏魯迷不載王會英偽
莫辨頃土魯迷番數侵甘肅令甘州撫戎官于魯迷
數內查有夾帶土魯番人衆其詐甚明請善遣出塞
仍治所獲奸謀詔鎮巡體覈五年復貢命畜獅牛內
府仍留熟番五人飼之貢使顧索加賞云往賞瓦刺
費且二萬金詔定五年一貢每貢起送十餘人貢物
有玉石珊瑚珠金剛鑽花帳子舍利孫皮花甌湯壺珍
羊角瓊服二十三年遂北寇甘州總兵楊信以土官

百戶馬能言令魯達諸國貢使九十餘人前樂之寫
亦阿力等九人死馬都御史唐榮以聞詔視信職逮
能于理以寫亦阿力死事給棺歛費送歸本國仍諭
國王以優恤意

拂菻

拂菻古大秦國漢桓帝時始通唐貞觀中拂菻王波
多力貢赤玻璃綠金精後屬大食迄開元元豐元祐
數至洪武四年遣其國故民捏古倫賫詔諭之尋遣
賜朝貢其國地寒土屋無瓦王服紅黃衣以金線織
絲布纏首坐紅床使人舁之不尚戰鬪鄰國小有爭

但以文字來往詰問刑罰罪重者盛以毛囊扶之海
鑄金銀為錢無穿孔而鑿彌勒佛背為王名產金珠
西錦千年棗獨峰駝已攬以蒲萄釀酒樂有瑩篋壺
琴小箴栗偏鼓然自漢侈言大秦宮室皆以水晶為
柱珊瑚為棧琉璃為牆門飾異寶有金臣稱作金人
立其端屬十二凡平時政一凡落其土多出明珠大
貝駭鷄犀夜光壁火浣布有眩人能發火于顏手為
江湖足隨珠玉有善醫能開腦出虫愈目青或織水
羊毳野蠶繭為海西布及毼毼毼之屬他語多不
經或云國西有弱水流沙近西王母所居幾于日所
入矣

天方

天方古筭冲地一名棘羯即唐之大食國也自忽魯
模斯四十晝夜至其國乃西海盡處從陸路抵中國
凡運歲永樂七年因中使鄭和往使以獅子麒麟來
貢宣德中遣其臣沙璽貢方物正德十二年再至嘉
靖四年禮部言天方等國入貢陝西都司稽留半年
以上方為具奏發冊所進玉石多疵惡而私貨甚良
請行巡按查覈自今無得多帶玉石以擾驛路其方
物印封按驗不堪治都司官罪明年火者馬黑木等

入貢主客陳九川驗玉稍苛通事胡士紳訴稱九川
索受玉璞帝令逮訊會大學士費宏製玉帶遲騎執
舍中兒去宏疏辨係尚書鄧璋酬答與大方前史玉
璞輕重不倫溫旨慰之而九川竟戍十七年天方貢
使請遊覽中國禮部奏非例疑有狡心絕之初定五
年一貢有馳馬鉞角皮毼班兒香諸物萬曆中復至
俗用回回曆較中國差三日風景融和四時皆春無
霜雪夜露甚重田沃稻饒以馬乳拌飯男削髮纏頭
女編髮盤頭日落聚為市日中熱故也建寺稱天堂
番名阿兒白分四方方九十間上用皂絲為蓋畜二

獅守門黃金為闌白玉為柱沉香木椽馬塙壁皆蕚
薇露龍涎香和土為之中有黑石一片方丈餘曰漢
時天降也寺層次高上如塔月初生拜天叫聖每十
二月十日各畜車至堂左有司馬儀聖人之墓以綠
撒不沉寶石砌成傍有各祖師傳法堂極整飾產金
寶珠珊瑚犀角琥珀獅豹鹿祖利法天馬高八尺以
金鑄錢徑七分重一錢十二成色人無貧者按杜環
經行記大食國士女偉壯間麗衣裳鮮潔一日五時
必禮天堂可容數萬人市廛輻湊百貨盡賤大約與
天方類楊慎以為天方即大食名號改移海外諸國

皆然又往西行一日域名焉底網有馬哈麻聖人陵
寢日夜亮光騰起墓後一井名阿必穆蓄人取水藏
船內遇颶風溺之須臾

默德那

默德那即回回祖國地接天方有城池宮室田園市
肆五穀繁滋大類江淮間初國王馬罕焉德生子梁
大通五年生而神靈西域諸國並臣伏焉尊為別哇
拔爾華言天使也其教以事天為本而無像每日西
向拜天有天經三十塊凡六千六百餘段書兼篆草
楷西洋諸國皆用之隋開皇中始傳入中國尤精星

曆解醫藥音樂織文雕鏤器具精巧洪武元年改太
史院為司天監又置回回司天監二年詔徵元回回
曆官鄭阿黑等十一人赴京議曆法宣德中國王遣
使隨天方國朝貢正德中回回人于永進秘方得幸
拜錦衣衛指揮同知御馬監西海子設養虎回回三
名世宗登極以給事鄭一鵬疏屏之歸甘州所進回
回女你兒千等十永下獄死崇禎十七年回回貢馬
玉玉大者重三百五十斤次五十斤令國人多附舶香
山濠鏡灣貿易其人善鑿機每海市中廉得奇琛故
稱織寶回回而種類散處南北為色目人甚夥寄居

哈密者尤勁悍並深目高鼻白布纏首俗以密為酒
以牛為菜禁食豕肉非同類故不食好歌舞夫婦配
合必取水淋沐親死用布斂尸入棺導至墓去棺底
掩以土妻子至以水潑之祈速死為孝蓋近墨氏之
流奉其教者行葬居送千里不持糧云

阿速

阿速在西海中為大國城倚山面川川南流入海涼
燠通即有魚鹽耕牧之利俗敬佛畏鬼好施惡爭聞
物產饒裕鮮饑寒寇盜聚落多天方撒馬兒罕諸國
人永樂中遣百二十人來朝貢

沙哈魯

沙哈魯在阿速西南海島中山川環抱王及酋長城
居瓦屋底民旅處城外村落相聚畜產孳息佞佛耻
關俗號浮耳西域賈來市海中奇物不惜高價廉而
得奇貨去者沙哈魯人不識也永樂中遣使朝貢凡
七十七人或曰即古拔和國唐貞觀中嘗入貢

大刺札

大刺札國頗微弱四圍皆山山鮮草木水流曲折亦
無魚蝦城僅里許多板屋俗尚佛毒中國磁器針線
永樂十四年遣人朝貢

吃力麻兒

吃力麻兒山平水淺西南傍海東北林莽多毒虫猛獸得中國雄黃麝香磁器甚喜不事耕農好射獵有遠巷無市肆交易無期用銅錢永樂中常使十一人來朝貢方物惟烏朋獸皮罽褐之屬或曰即俺力麻兒

敏真誠

敏真誠國亦大多高山深水縛木為渡以日中市諸賈畢集見中國磁漆器爭欲得之產駝馬異香永樂中遣四十人來朝貢

白松虎兒

白松虎兒舊名速麻里兒國中無大山亦鮮林木無
猛獸毒虫之害先時常有虎出松林中不傷人畜旬
月後忽不見國人以為神虎父老曰此西方白虎降
精因更國號為白松虎兒永樂中遣使十六人來貢

加異勒

加異勒西戎小種居人不及千家貧窶乏食常備鄰
國永樂中王者麻里奈那遣別里呆不來貢方物宣
德中再朝貢

日落等國

日落國永樂中朝貢

呆音兒即密思兒正統六年朝貢其王曰速魯壇阿
失剌福額即札嘉靖中朝貢

哈車嘉靖中朝貢

畢力木江

畢力木江在西番中國使諸番皆由其地其頭管
著兒監藏等迎送有禮宣德中遣人朝貢帝嘉之九
年立衛給印以管著兒監藏阿黑巴為指揮僉事其
下為千百戶者二十餘齊勒往賜之又有哈密西者
亦諸番往來要地北界瓦剌西接火州城居平川周

三四里東有溪西北流地鹹鹵間有楸杏農種惟號
豆二麥人性獷悍與蒙古回回雜處而禮俗殊異

西番

西番卽吐蕃本羌屬凡百餘種散處河湟洮岷間未
始通中國至南涼秃髮利鹿孤後有樊尼者西河
居邈婆川以秃髮為國號訛曰吐蕃俗謂彊雄曰贊
丈夫曰普固稱王曰贊普以父名母姓為種號唐時
靖嬌公主為甥舅國既滅吐谷渾幅員萬里其後族
類分散內屬者曰熟戶餘謂之生戶至宋朝貢官節
度使封王元始邠縣其地以番僧八思巴為大寶法

王帝師領之嗣世弟子號司空司徒國公佩金印供
武二帝招諭吐蕃未至復遣陝西行省員外郎許允
德諭降會番衆寇臨洮守將韋正禦之以河水未合
師不得濟正祝天有頃河水如巨屋自上流下風從
之冰令渡河搏擊番衆大驚降附六年令各族酋長
舉故官授職以元攝帝師喃加巴藏卜為熾盛
國師給玉印置烏思藏朵甘二指揮使司及宣慰司
招討司萬戶府千戶所元國公南哥思丹八亦監藏
等領之七年置西安行都司于河州以韋正為使統
二番司復封番僧為闡教王凡七王給銀印令此歲

或間歲朝貢闡教王從四川入觐善二王從陝西入
貢各百人多無過百五十人二法王止許十人每請
封造大慈恩寺刺麻僧二人充正副使奉詔命及袈
裝僧帽數珠鈴杵等賜之是秋獻葡萄酒帝曰元造
此酒勞民宜效之却勿納仍賜苜蓿長文綺幣八
年以蕃地產馬而所用泉貨與中國異自更錢幣馬
至者少命中使趙成以羅綺綾帛并巴茶往河州市
之山後歸德等州諸部落爭以馬互市十五年川藏
族殺使者鞏哥瑣南等命衛國公鄧愈為征西將軍
討之師三道進獲其巢窮追至崑崙山俘男女萬餘

馬牛羊十三萬有奇十一年以西蕃屢寇邊命西平侯沐英克征西將軍討之十二年命曹國公李文忠往河州洮岷等處整理城隍洮州十八族蕃酋三副使汪舒朵兒癭素子阿卜商等叛據納隣也站以征西兵往擊諭文忠英曰四月庚申日交暈在秦分主戰聞已未太白見東方至于甲子順行而西而大
利宜順天時追擊番寇英等兵至洮州賊皆遁新叛逃土官阿昌失納等遂于東隴山南川築城戍守置洮州衛英等追擊擒三副使獲人畜無算十五年勅松州衛指揮耿忠令蕃人計戶出馬充賦二十年禁

番使關出麻鐵二十五年建昌衛指揮月魯帖木兒
等叛命涼國公藍玉往討誘執之三十年于洮河二
州立茶馬司互市私鬻者死以違吏或假朝旨橫索
番馬製金牌信符命曹國公李景隆賫往令各蕃族
認辨馬課別製一牌藏大內每三年遣使賫士

相合收馬給茶以杜奸欺是歲景隆用茶五千餘斤
得馬一萬三千五百餘匹又令禮部檄長河西打箭
爐番酋貢以納馬修貢諸番奉約茶法大行永樂元
年賜番酋及國師金幣四年迎番僧尚師哈立麻至
京封大寶法王宴賜甚厚五年遣指揮劉昭等往西

番置驛通使撫諭軍民昭遠遏番賊劫掠率衆攻敗
之洪熙時曲先安定二衛邀殺中使指揮朱英討捕
以番兵從諭功進國師死卜格刺思巴等秩給誥印
宣德元年封大寶大乘闡教贊化贊善五王九年闡
化王貢使乜藏等以賜物易茶至臨洮沒入留乜藏
請命帝給茶釋還初諸番修貢輒阻于生番正
年松潘守將趙得遠諭因相率來貢凡八百二十九
寨而指揮趙諒修都番僧商巴誘執之掠其貲其弟
率衆入犯都御史王翱廉其枉出商巴獄中具以聞
諒伏誅復命商巴為國師五年刺麻僧貢馬十年番

僧貢馬十四年詔停兩番金牌戲遣行人四員視茶
政景泰間三十一處並朝貢獨董卜韓何都指揮克
羅俄監稍黠悖詔讓之天順三年尊勝寺清修胡
善大國師護印遣人貢舍利五年番寇涼州總兵衛
穎戰却之八年西寧番把沙作亂穎與巡撫吳琛督
兵五路進攻追至駱駝山俘斬亦七百餘先是番僧
入貢不過三四十人景泰後遞增賜予不計所至煩
費成化初禮臣以為言令三歲一貢亡何番僧劉寔
已以秘密法進天子愛幸之法王封號至數十字尊
從用執金吾仗寵錫繁渥其徒至食錦衣無慮數千

人五年彗星見給事中魏元丘弘等連劾其妄請革
去法王等號乞寺田佃戶命戶部覈實予民是年封
闡教二王十六年封闡化王十九年以都御史阮勤
言歲運四川茶十萬斤至陝給賜番僧頃之滿松族
反侵內地都御史馬文升討之斬八十三級二十四
年罷行人巡茶以御史代自景泰後茶政日弛番馬
不至弘治十七年命都御史楊一清督理茶馬一清
請復金牌信符舊制從之時蕃部中董卜韓何雅慕
文教奏請中國書籍尚書余子俊疏稱成都府志方
輿勝覽二書並載扼塞不可與餘量加頒賜正德初

烏思藏僧綽吉我此兒以術得幸出入禁中請授其
徒為國師還居烏思藏如大乘法王例入貢禮部言
烏斯藏遠在西方性極頑獷雖設四王撫化其來貢
必為之節制令無違志而已今無故遣僧往萬一詐
誘羗酋妄有求請反生事端不聽無何遣中使入番
迎佛尚書毛紀及臺省連章諫止亦不允是時迤北
亦不剌連居西海蠶食諸番識者慮其勾結深入如
前代吐蕃吐谷渾言官請屯兵青海絕西北連和微
翰調發幾無寧歲而帝方好佛自名大慶法王番僧
奏討腴田百頃為大慶法王下院書並聖旨禮部尚

書傳琚佯不知執奏執為太度法王者敢並至尊大
不敬詔勿問事亦寢十年調朔方勁兵勦海寇避走
松潘旋歸故策費以萬計迄無成功嘉靖元年西番
反都督鄭卿討之不能克四年建昌鹽井寧番等處
各番縱劫副使胡東舉進兵剿撫各降附八年洮岷
屬番類入鞏昌隴右騷動總督王瓊計候彼入即引
大兵搗巢羗人頗畏及秋防河套番遂乘虛深入瓊
集衆議且撫且勦明年遣游擊彭械都督劉文自固
原進至洮岷分據要害撫定六十五族恃險拒戰者
十六族斬首三百七十嗣是稍帖服初威州保縣金

川等番僧三年一貢漸至五百五十人三十六年禮
部據會典載百五十人四十年来貢演化禪師遣都
綱卽哈執稱永樂間勅本寺貢方物百五十分其都
綱莽葛刺等寨各認守閑隘請如前額守沒以聞令
卽哈等百五十人赴京給全賞餘留境土各減絹二
疋是歲以岷州建治後番人押習世官民逃俗散仍
屬岷州經歷司兼理添設鞏昌府通判一員蒞焉其
冬以闡化王方物粗惡不以國師領貢招討宣慰部
落不附貢並裁費四十年增設茶馬司于甘州招番
易馬明年闡化諸王請封帝以故事遣京寺番僧遠

丹班麻寺為正副使通事序班朱廷對監之班麻等
在途騷擾廷對歸白其狀部議自後請封即以誥勅
付來使或下附近藩司選僧賞賜從之王璣既定諸
番亦卜剌亦北歸西鄙稍寧隆慶末俺荅受款詔以
迎佛為名留丙兔名吉等十五部駐牧西海吞噬日
甚總督王崇古遣番官馬你卜刺赴俺荅傳教戒殺
輸河西各酋無搶番益益寺焚修萬曆二年丙兔以
千餘騎入掠黑占匝番族數馳西石峽紅帽各番陰
附之從套西來嘉峪日衆而下沙麻生番及洮州刻
哱族恣掠臨洮衛明年總督石茂華檄總兵孫國臣

掩勦焚其穴六年俺荅西赴海上謁烏思藏僧瑣南
堅錯瑣南堅錯者俺荅所稱活佛也明年致書閣臣
張居正自言我典皇上和天臣晝夜念經祝讚先進
馬匹物件討賞賜并送居正四臂觀音一尊龍氈二
段金剛結手一方居正疏聞并辭私禮詔令納之是
歲丙兔掠甘藏等族越黃河移牧莽刺川求茶市八
年又糾永邵卜等掠揚荅族以俺荅煎責歸海上而
火落赤遂據敗水塘湖十年連掠日羔河東把方諸
番族十三年松茂諸番構亂突犯平彝堡明年圍蒲
江閬巡撫徐元太調土司兵擊定之而火落赤徙沙

塘川入內地傷屬蕃五百餘十五年遂來西寧收紅
帽蕃族槍撲南川會多吉黃多吉威正中流矢死鋒
稍挫十六年遂同永邵卜南掠歸德蕃族而瓦剌他
卜囊北掠擺羊賊生番副總兵李魁追至南川創死
十八年火落赤糾威正等掠番至舊洮州會措力克
西收丙克部誘渡綽避河張其勢副總兵李聯芳等
並戰沒西陲震動命尚書鄭洛經畧火落赤再移奔
刺川明年洛屯蘭州首輸招番拒冠措力克周移帳
東歸火落赤既失援而西寧肅州各道調集翟曇等
四十八族弄國師禪師播告朝廷威德共招番八萬

三百有奇北勢益孤十月發兵出青海焚仰華寺總
兵尤繼先統洮河延固兵直抵莽坦西川搜勦不見
一人洛乃歸報始終以招番為完策二十二年火落
赤復掠歸德番族逼河州明年永邵卜等攻刺卜爾
族泰將達雲遮擊火破之咎丙申中各族出精兵協
助因追叙洛招番功二十六年副總兵孫尚賢計遣
屬番香藏族入北營招番族脫脫何班麻爾卜等來
降二十八年海寇三千餘從紅崖掠番族番走匿林
薄進擊柴國柱進至雪竹班多奪獲三十二年火落
赤從小後逃擺羊賊掠生番三十九年陰卜雙善二

番族請援中馬額四十一年火落亦以黃番紅宛卜
等為導入白石崖四十三年烏思藏以此歲旱饑請
六年弄貢併援永樂時賜長河西經藏例請賜經許
之長河西宣慰司亦請如闡教等王量給茶價不許
崇禎三年烏思藏僧一米貢按西番都指揮司二曰
烏思藏曰朵甘指揮司一曰隴答宣慰司三曰朵甘
曰董卜韓何曰長河西魚通寧遠招討司六曰朵甘
思司朵甘隴答曰朵甘丹曰朵甘倉渚曰朵甘川曰
磨兒勘萬戶府四曰沙兒可司乃竹曰羅思端曰列
思麻千戶所十七曰朵甘思曰刺宗曰李里加曰長

河西曰多八三孫曰加八曰兆日曰納竹曰倫荅曰
果由曰沙里可哈忽的曰李里加思來曰撒里土兒
曰參卜郎曰刺錯牙曰泄里攔曰潤則魯孫並洪武
初置其後增設招討司有曰直管安撫司有曰別思
寨曰雜谷曰長寧長官司有曰雜道曰達思蠻又有
加渴瓦寺金川寺韓何碉怯列寺番僧有封灌頂國
師者自洮岷階文西固南達松茂族種甚繁在階文
者名武都羗在洮者吐谷渾羗而松茂間東西阻河
列峇四十有八殆不勝紀焉始生番出沒如風雨而
屬番納馬中茶顏馴服後浸通生番剽劫自西海寇

起松山奔刺彌望皆兵反出番南番畏之私饋皮幣
曰年信歲時加送曰添已至充部落鄉導西北一家
蕩籬盡撤矣風俗大抵樸魯上下一心君臣歲必小
盟三歲大盟自為友者五六月號曰共命君死皆自
殺以殉不處城郭聯毳帳以居號大拂廬部人小拂
廬間用板屋或壘石如浮屠人居其中上貨下高
十餘丈謂之碉房卑者二三丈名鵝籠食酪衣氍毹以
赭塗面婦人髽髮而紫之多用氍毹紅綠緣飾最高
瑟瑟次金銀大小綴臂以髽貴賤音樂吹螺擊鼓四
時以麥熟為歲首吏治無文字刻木結繩為約其刑

雖小罪必抉目剗鼻政事或與桑門參好狠聞重兵
死以累世戰沒者為中門敗者垂狐尾于首示辱疾
病召巫覡焚柴聲鼓謂之逐鬼信詛咒訟有疑使詛
之階文番據崖深箒食稗豆跳踉如獼猴相傳番
人無腓易弁以兜陰不畜騎洮番甲馬頗整即面中
一二鎗挺立不撓常發冷箭擣石截軍餉日就闕堡
索飲見爨烟起即蟻聚攢食曰和番每執堡軍為質
山川大者崑崙山可跋海黃河析支哈刺野龐涅水
產犂牛名馬獐羊獨峯駝天鼠皮而仰給中國茶麝
香為命無茶則發腫且死無麝香則苦蛇蠱殘麥禾

故自昔以閉關絕貢可制而番貢物多畫佛銅塔舍利足力麻鐵力麻氍毹珊瑚左髻毛纓酥油刀劍甲麻衣別種在雲南鐵橋北名古宗一云細腰番太祖既下雲南裂吐番為二十三支分屬郡邑轄以土官府則麗江永寧州則北勝浪蕓等各控制之永寧外有野而番稍不易制古宗種鴉舌辦髮短裳用犛牛或羊毛撚線為之婦人用青白磁珠與硨磲相間懸于項或以松膏澤髮成綰下垂大近而番云

明史卷四百十六

外蕃傳

外蕃四

蒙古

八

蒙古本迤北一小部也北故種落不一歷代名稱各異夏曰獯鬻周曰玁狁秦漢曰匈奴烏桓繼之晉曰鮮卑魏曰蠕蠕唐曰突厥宋曰契丹別部小者曰蒙古曰泰赤烏曰塔塔兒曰克烈各據分地既而蒙古兼并有之遂入中國代宋為元明興克大都元主走應昌死徐達等襲破之執其孫買的里八剌以歸詔免獻俘封崇禮侯太子愛猷識理達臘北走稱帝洪

武四年僧家奴寇雲州明年納哈出寇遼東是冬華
雲龍擒僧家奴獨王保保遁去七年送崇禮侯北歸
九年傳友德擒伯顏帖木兒十三年沐英擒脫木赤
獲其全部愛猷識理達臘卒謚昭宗次子脫古思嗣
平章乃兒不花寇遼達等出塞擊破之時納哈出既
獲帝時之甚厚納哈出居常不樂求歸遂遣之潛據
金山出沒肆掠二十年命馮勝討之納哈出窮迫遂
同學士也先國公觀童并部下二十萬人降封海西
侯賜官屬衣冠祿米有差散其衆居雲南兩廣福建
諸處二十百年藍玉北征至捕魚兒海獲元主次子

地保奴后妃等四萬餘人脫古思領十餘騎出走依
也先速迭兒尋為所弑部落潰散玉私元妃事覺妃
自盡地保奴有怨言安置琉球大臣立坤帖木兒為
可汗而猛哥帖木兒為瓦剌王時元主士馬為知院
捏怯來國公者撒丞相失烈門等所據願內附帝遣
使授印與武官二十二年兀納失禮大王居和林遣
使來降明年丞相咬住太尉乃兒不花知院阿魯伏
塞下帝命燕王統傅友德等出迤都山擒乃兒不花
而還遼王阿扎失里屯朵顏山寇邊明年燕王復出
塞捕之俘五萬人還至金安山襲破扎都過熊皮山

又破達達兀剌罕都督劉貞朶晟征哈梅里兀納失
里遁去破其城斬千餘人明年都督周興討也達迭
兒大破之於撒撒兒山千戶鄭亨出塞宣國恩以撫
殘衆諸酋歛去不窺邊十餘年建文三年坤帖木兒
死鬼力赤為可汗阿魯台佐之永樂元年遣指揮朶
兒恍惚往賜文綺鬼力赤非元種臣下不服而阿魯
台與兀剌剌馬哈木世相仇殺已而馬哈木阿魯台
各遣人入貢三年阿魯台部落掃何兒來歸遣都督
朶晟往招其酋長朶都帖木兒等皆率衆款塞賜把
都魯吳兒誠倫都兒及名柴東誠保住名楊斌誠明

年滿束兒等來歸賜名紫志誠阿兒刺台名紫汝誠
發授都督指揮等職居涼州莊浪寧夏三衛亡何阿
魯台弒鬼力赤立本雅失里為可汗自為太師六年
馬哈木等來歸詔以為順寧王太平為賢義王把秃
字羅為安樂王遣瑪臚劉帖木兒不花賡文帶往諭
本雅失里不報明年駕北巡復遣指揮金塔卜反給
事郭驥往諭驥為所殺帝大怒命丘福王聰李遠等
討之深入中伏福被執聰遠戰死全軍覆沒八年駕
親征至幹難河本雅失里擁衆來戰帝麾擊遁去次
飛雲臺阿魯台列陣以待復督精騎敗之過龍門西

山勒銘駕還京阿魯台款塞拒之十年馬哈木滅本
雅失里立其族答里已馬哈木專政阿魯台窮蹙南
竄明年駕北巡遂來降封和寧王馬哈木怨之遂失
朝賀明年帝親征馬哈木進蒼崖峽瓦剌三酋掃境
來戰帝躬擐甲衝諸陣將繼之神機砲四發東西夾
攻殺傷人馬無算酋號哭遁去追至土刺河而還明
年馬哈木貢馬謝罪又明年使觀音奴不哈來朝十
五年死子脫歡嗣順寧王十九年阿魯台圍興和指
揮王祥戰歿先是阿魯台為瓦剌攻敗來降帝封之
保塞外阿魯台亦感恩數遣使貢馬遣子入朝久

之生聚蓄屬又禁驚跳梁劫掠朝使出沒塞下為寇
帝怒下令親征兵次殺孤原阿魯台驚怖盡棄馬駝
牛羊輜重於朔灤海則率家口北遁帝命焚其輜重
收其孽牧而還是歲阿魯台弑其主本雅失里而自
立本雅失里妻率其屬來朝遂居內地二十一年阿
魯台犯邊帝親征抵沙城知院阿失古納台等率妻
子來降授正千戶阿魯台遠遁先鋒陳懋追至宿蒐
山遇王子也先土干率妻子部落來歸帝喜封為忠
勇王賜名金忠以其甥把罕台為都督部屬察罕等
為指揮忠屢奏阿魯台弑主殘民請討之願為先鋒

自紇帝曰卿意甚善但師出有名姑待之明年阿魯
台寇大同帝遂暴其罪親征次臨寧護謀者言阿魯
台已遁答蘭納木兒河命懋忠追之回奏彌望荒塵
野草無一人一騎之跡遂班師時王子脫脫不花居
迤北哈喇真等部皆應之脫歡居瓦剌宣德二年三
年阿魯台脫歡各遣人朝貢四年連寇赤城宣府鵬
鶚六年阿魯台為脫歡所敗七年阿魯台殺敗兀良
哈遂俾拔遼東遣人入貢勅遣臣謹備旋寇京州瓦
剌寇大同九年脫歡敗阿魯台殺之以故元玉璽獻
阿魯台子附卜只俺來歸授都督是年朵兒只伯寇

涼州寧夏入關平午少楊洪擊走之完者帖木兒寇
甘肅午少王散山出禦擒以歸正統元年寇鎮蕃及
丹山入大同二年脫脫不花遣人貢馬朵兒只伯斡
掠甘涼尚書主驥以兵出塞搃其巢敗走之八年脫
歡死子也先嗣勢益強而脫脫不花弱也先以妹妻
之挾入貢得賜金幣無算使人館京師喻春乃還也
先氣益驕叔通事出好語告以中國虛寔也先遂與
通事言吾有子請婚南朝公主通事謾曰為若奏皇
帝已許矣也先大喜誇諸部曰吾且進聘禮十四年
遣使二千人聲言三千來貢馬且曰聘禮也朝廷不

知答詔不及和親事又中官王振裁其馬價也先漸
怒遂謀大舉入掠大同宣府諸塞城堡多陷沒遣駙
馬井源等四將軍出禦敗績振遂挾駕親征有土木
之難詳正統紀中景泰元年入大同偏頭關萬全等
處大掠蔚州朔州圍代州尋請和送上皇還二年也
先遣人貢馬遂叔普化可汗欲自立普化奔兀良哈
依沙不丹也先擊破之取其妻妾太子人畜來獻搜
明年遣太尉察哈平章哈只阿力來貢馬且請命使
往采少傳王直請答使尚書亦謙言臣職兵戎知我
而巳若賊渝盟敢為悖逆當肅將天威往正其罪遣

使事不敢與議詔勿違時也先無狀使來即乞黃紫
織金九龍紵絲及金酒器樂器佩刀諸物每使至輒
千餘人出入驕悍敢毆守衛人劫財物至騎入長安
門及出塞又捕掠而還往往東結朵顏西交哈密聯
結赤斤蒙古窺伺塞下故譙以數語折之四年遣察
占等二千八百七十六人貢馬貂皮賜宴禮部正副
使二十二人陞都督指揮等官賞金廂金帶九級花
金帶九素金帶三花銀帶一其餘賞織金綵表紵絲
二萬六千四百三十二疋絹九萬一百一十七疋衣
帽靴萬計七月沙不丹款晉化也先遂自立為可汗

遣哈只馬貢貂鼠銀鼠皮書稱大元田盛大可汗田
盛華言天聖也末書添元元年中言往元受命今得
元位盡有其國土人民傳國王寶宜順天道遣使和
好庶兩家共享太平又致殷勤太上皇詔議答書有
言宜仍稱瓦剌太師者有官賜勅封為敬順王或稱
瓦剌王者詔以瓦剌可汗稱之天順初也先荒酒色
又所為多殘虐部下離心平章哈剌求為太師也先
不與而以其弟阿失為之哈剌思遂襲殺也先諸部
遂散立其子小王子時孛來孛王子強又殺小王子
入寇陝西安遠侯柳溥德之敗績二年寇神木縣延

綏守將張欽拒於紫溝斬獲甚衆又入安邊營欽分
兵連戰於野馬澗等處俘其將鬼里赤援獲駝馬兵
仗無算四年李來寇大同直抵雁門忻代總兵李文
避不敢出京師大擾遣都督顏彪駐兵紫荆關馮忠
駐兵倒馬關李來大掠而去五年寇涼州莊浪等處
總兵仇廉敗績起都御史王竑侍郎白圭禦之尋引
還是時李來衆大酋毛里孩阿羅出少師猛可皆與
李來相仇殺遂立脫思為王脫思者故小王子從兄
也三酋始入河套河套周圍三面阻黃河土肥饒可
耕桑東至偏頭關西至寧夏鎮相距二千里南至邊

牆北至黃河遠者八九千里近者二三百里赫連勃
勃趙元昊所換為城者也唐三受降城在套北黃河
之外元東勝州在受降城東明初諸部遁河外居漠
北延綏無事正統後王驥兵次甘州申叢號令河套
以寧然間亦渡河守將王禎始築榆林城創沿邊一
帶營堡墩臺二十四所調兵分成景泰初犯延綏不
敢深入至是阿羅出掠邊人為向導因知河套所在
盤踞出沒邊境騷然成化元年太入延綏都御史項
忠彰武伯楊信禦却之三年毛里孩再乞通貢許之
四年阿羅出為其黨亂加思蘭所殺併其衆而結元

孽滿魯都。天套五年，孛羅忽兒加思蘭入榆林寧夏，大掠。至於環慶固原毛里孩也烈忽兒陝西總兵劉聚擊敗之。六年，勅都御史王越總關中軍務，議搜河套。九年，滿魯都與孛羅忽兒、常州趙偵知其老弱，盡行巢於紅鹽池，可取也。乃與總兵許寧超擊，周玉率輕騎晝夜馳三百里襲擊之，斬級四百，燒其廬帳而還。賊歸失其孛，相與悲泣渡河北去。惠少珏初，兒加思蘭以女妻滿魯都，後欲謀殺之，代為可汗知衆不與。又欲立幹赤來滿魯都，知而索之。兒加思蘭匿不，予還相仇殺。十五年，滿魯都殺兒加思蘭，併其衆。明

年寇榆林久之滿魯都哀而把秃極可立太師亦思
馬因知院羅千強盛嘗與瓦剌並入貢弘治初把秃
猛可死阿反立其弟伯顏猛可惡亦思馬因專不設
太師而小王子部落火篩最兇悍與小王子爭雄十
年寇大同宣府十四年寇榆林入花馬池十七年小
王子結兀良哈寇大同遂稱求貢否且深入犯黃裏
黃裏華言京城也正德改元起揚一清總制一清請
復守東勝據河套水草之利逆瑾惡而罷之十年朵
顏通小王子部落入馬蘭峪殺叅將陳乾小王子有
三子長阿爾倫次阿著次滿官嗔太師亦不剌殺阿

爾倫遁入海西西海之有寇自亦不剌始也阿爾倫
長子卜赤次也明皆幼阿著稱小王子子二長吉囊
次俺答阿著死衆立卜赤稱亦克罕有衆七萬分五
大營曰好陳蔡罕兒曰召阿兒曰把郎阿兒曰克失
且曰卜爾報卜赤居中屯牧五營環之文東有岡留
罕哈爾填三部岡留部營三其酋滿會王罕哈部營
三其酋猛可不郎爾填部營一其酋可都留三部共
六萬人居沙漠東鄙與朵顏為鄰南部酋曰把答罕
奈曰失利台吉有衆五萬西部酋曰應詔不曰阿魯
禿斯曰滿官嗔應詔不部營十曰阿速曰哈剌嗔曰

舍奴卽曰字來曰當刺兒罕曰失保噍曰入兒廐曰
荒花旦曰奴毋噍曰塔不乃麻舊屬亦不刺迤海西
遂分散惟哈刺噍一營僅全阿魯禿斯部營七舊屬
亦不刺後從吉囊合為四營曰喀合斯曰偶甚曰叭
哈思納曰打卽衆至七萬滿官噍部營八舊屬火篩後
從俺荅合為六營曰多羅土問曰畏吾兒曰兀甚曰
叭要曰兀魯曰土吉刺衆可四萬諸種中吉囊俺荅
最強出入河套時寇延寧宣大南有哈刺噍部營一
首荅荅罕衆衆可三萬哈連部營一酋失刺台吉衆
可二萬居宣大塞外北有兀良罕營一酋小王子北

部也因隙叛去至今相攻又西為瓦剌可五萬人世與
土魯蕃為讐諸部雖逐水草遷徙不定然營各有分
地不相亂嘉靖初套騎二萬自井兒堡撤牆入固原
平涼涇州殺指揮楊洪千戶劉瑞八年大掠榆林寧
夏自後邊報無虛歲十三年大同叛卒誘小王子寇
大同分掠渾應朔懷諸處數月乃去十九年俺荅入
宣府二十年吉囊入大同掠忻代娼妓歸而縱淫明
年死子板不孩居套中小王子不及兒吉駐威寧海
俺荅糾青台吉呪蠟哈哈刺漢及叛人高懷智李天
章各擁萬衆越太原列營汾河東西散掠上黨平陽

諸軍觀望不肯戰偏帥張世忠拔營獨出賊以三千
騎圍之世忠傷矢下馬步戰力竭死之二十五年套
騎三萬人犯延安至平原涇陽殺掠人畜無算明年
總制魯銳襲擊之賊二十六人擒一人脫脫虎獲馬
駝罷械千計殺移帳漸北銳後督兵驅之遂遠遁不
敢近塞銳既奏捷因條上復套方略十八事帝褒賞
命集議施行聞臣夏言力主之會嚴嵩與言有隙因
災異疏陳銳開邊起釁言表裏誤國仇鸞復許之遂
棄銳而并斬言天下冤之自後無一人議復套者二
十八年俺答寇懷來殺指揮江瀚董陽總兵周尚文

進擊敗之明年寇未同殺總兵張達副將林椿八月
復至仇鸞遣以重賂乃去遂自古北口入薊州犯京
城駐天壇直抵德勝西直門京師戒嚴鸞率勤王兵
不敢擊私許通貢市大掠捆載而去三十年與俺荅
通馬市貢良馬九賜衣幣甚渥旣復屢入寇罷之鸞
死家人時義侯榮等叛出塞追獲之鸞以通寇戮屍
三十二年俺荅寇大同副將郭都戰死十月糾朵顏
衆二十萬薄古北口烽火達京師總督楊博力戰却
之三十六年俺荅入雁門破應州四十餘堡總督楊
順縱兵殺避難民上首功自解己而辛愛妾挑松寨

私部自懼誅來降順上其狀以為功辛愛俺荅子士
馬雄諸部且入寇順懼挑松寨予之辛愛戮之境上
帝怒逮順諭死明年俺荅圍大同右衛四閱月守將
尚表拒之王德戰死三十九年巡撫李文進總兵劉
漢襲拔升破之初華人蕭芹丘富趙全等六十餘人
叛歸俺荅教以大食屋居及製鈎竿攻城具俺荅任
用之為築拔升以居拔升華言城也其地曰豐州崇
山環合水草豐美宮室宏麗良田數千頃馬市既成
俺荅縛芹以獻富等走免至是俺荅徙大青山口外
避暑留千騎守之富等弗從文進與漢謀部分叅將

主孟嘉麻祿率銳卒馳進奮擊斬八十三級擒七十
六人焚其宮室餘衆奔匿捷聞陞賞四十二年朵顏
韋蘭台引小王子犯通州四十二年俺荅寇宣府隆
慶元年俺荅子黃台吉擁衆窺伺陵後南山命總督
劉燾率兵防護俺荅陷石州殺知州王亮剽掠交汾
等處留壁二十餘日勢甚橫已而雨潦連旬馬多死
皆杖箠馬徒步歸所剽獲多棄道傍而官軍無一人
邀擊者諸將獨方振一與俺荅遇尤月逐之嵐縣稍
稱敢戰而已四年俺荅孫把漢那吉來降那吉幼孤
育于俺荅妻一刻哈屯所令僕阿力哥妻乳焉及長

俺答壻比吉女為婦不相能復聘兔捨金的之女連
俺答長女啞不害有所生三娘子者貌甚艷麗已受
襁兒都司聘俺答奪取之襁兒恚甚將攻俺答無以
解即以那吉所聘兔捨金的女償之那吉怒謂阿力
哥曰我祖妻外孫又奪孫婦與人吾不能為若孫吾
行矣遂與阿力哥同妻比吉女十人走叩關請降總
督王崇古留之連夷謂此孤豎無足輕重宜勿留崇
古曰此奇貨可居俺答即急因而為市諭以執送叛
人趙全等還我乃優遣以慰其孤憤之愛而制其命
其勿急則我國而撫納如漢質子法使招其故部居

近塞俺答老且死而黃台吉勢不能盡有衆然後以
居考谷蠡秩置塞外其與黃台吉媾則兩利而俱存
之弗媾則以師助之外以博興戚扶危之名而內收
其力廷臣譁然以為不可帝特許之以把漢那吉為
指揮使阿力哥為正千戶俺答婦恐中國戕其孫日
夜涕泣俺答亦悔遂擁十萬衆壓境求款崇古諭以
存恤恩而要其縛叛示信俺答遣騎覘之則那吉方
鱗衣貂帽馳馬從容歸報俺答與婦感且愧曰漢乃
肯全我孫我且嚙臂盟世服屬無貳奚有于叛人遂
定盟執叛人趙全等獻闕下誅之遣使送那吉歸五

年封俺荅為順義王其弟老把都子黃台吉吉囊子
吉能各授以都督指揮等官每年一貢貢使不過一
百五十人馬不過五百匹諸部貢者六枝一老把都
一黃台吉一吉能一永邵卜大成台吉一元慎打兒
漢台吉一合羅氣把都兒台吉皆統於順義王開市
凡十一處在大同三曰得勝口曰新平曰守口在宣
府一曰張家口在山西一曰水泉營在延綏一曰紅
山寺堡在寧夏三曰水清營曰中衛曰平魯衛在甘
肅二曰洪水扁都口曰高溝塞市各二日每月又有
小市六年遣俺荅舊使火力赤奴謀赤北還嘉靖間

奉使六人以俺荅內犯下獄二十年至是釋之餘皆
物故萬曆元年頒順義王蕃經并給鍍金銀印二年
俺荅子賓免求河西互市邀索刀杖不許明年賓免
駐牧西海役屬兒韋白利等番屢擾邊詔諭俺荅嚴
戢賓免俺荅言賓免因甘肅不許開市苦寧遠途遠
乃立大市於甘州小市於莊浪四年銀定台吉盜邊
絕其貢俺荅聞之從彼法罰羊千馬二百駝二詔宥
之初西番羶藏請納馬保塞許之俺荅恐番人入漢
久且慢我遣大都巴石虎啟幕府請得比番開茶市
廷議不許量給數十萬為供佛之用以城寺成求賜

名賜城名福化寺名弘慈九年俺荅死賜祭七壇采
幣十二雙布百疋其妻三娘子率其子黃台吉表謝
黃台吉臂偏短善用兵有精騎萬餘庶弟青台吉半
之俺荅娶妾二棄其妻黃台吉怨之妾各子一人俺
荅予萬騎自脩以故中自疑不敢深入黃台吉日夜
托腕曰先婢子有此兵而老死汝漢可嘆也及俺荅
歸欵益老而厭兵且佞佛聽番僧言戒殺掠故十餘
年不復犯邊王崇古入為大司馬方遘時吳亮繼之
各部貢市無失期而三娘子心慕中華不時欵塞常
詣亮亮兒女畜之或三娘子致手書索金珠翠鈿亮

隨市給與情好甚暱部落中有梗化者三娘子時時
報聞得預為脩十一年黃台吉襲封順義王更名吉
慶哈黃台吉先配五蘭比妓後受西僧給納婦一百
八人以象數珠俺荅死黃台吉欲收三娘子三娘子
嫌其老病將別屬搃督鄭洛計曰若三娘子別屬我
封黃酋何用乃令人說三娘子曰汝歸王天朝以夫
人封汝不歸一婦耳三娘子逼於利害乃歸之十四
年黃台吉死子扯力克襲位初把漢那吉歸俺荅命
主板升號大成台吉妻曰大成比妓那吉死三娘子
欲令己子不他失禮妻比妓而俺荅用事臣恰台吉

不從陰主扯力克以兵收比妓為妻三娘子名哈屯
別築城居至是洛復諭扯力克曰娘子三世歸順汝
能與娘子聚則封不然別有屬也扯力克盡逐諸妻
入三娘子帳中合婚其部落牙答漢盜助馬堡洪賣盜
備頭閼三娘子俱罰治如法十五年封扯力克為順
義王三娘子為忠義夫人已而扯力克以助火落赤
罷市賞三娘子捕叛人史二致塞上詔復二年以不
他失禮為都督史二即扯力克兄安屯瑁安置龍門
摘求崖亦款服三十九年扯力克死卜石兔長孫應
嗣而素囊阻之五路台吉令七十二台吉與素囊為

難忠順夫人亦厚脩之總督余宗濬至鎮素囊受命
是春始婚明年三娘子卒諭祭七壇封卜石兔為順
義王把漢比妓為忠順夫人遣官賫勅至邊不受踰
年告款塞上乃就封既與色令台爭事屢率衆脅邊
又同哈剌慎王子五路台吉與揅漢構釁住威寧海
子移牧西克至天啟七年始入貢然遂弱而揅漢虎
墩兔獨強揅漢本小王子裔嘉靖間打來孫避俺答
之強與子土蠻大成等自宣府塞外移遼左順福餘
諸部以立土蠻生卜彥卜彥生虎墩兔與俺答為兄
弟實揅主而俺臣也俺答封王後至卜石兔時虎墩

免復強為迤北長名愁收素囊之妻兼并其地吞食
日言諸部屢寇遼東廣寧寧遠等處叅將線補衮遊
擊楊維藩死之天啟中西攻擺言台吉哈喇慎諸部
多潰散或入邊內避之東行降兀慎擺腰明暗等酋
駐獨石塞外脅賞且東侵封州灘崇禎元年宰生等
至宣府新平堡脅賞叅將方裕昆誘入甕城殲之虎
墩免摺日貴英哈拔摺善用兵旣死新平堡其妻兀
浪哈大師衆自得勝路入犯洪賜鎮川等堡遂圍大
同流掠渾源懷仁二百餘里遣人至總督張曉所脅
賞遣西僧王哈麻往諭乃退二年虎墩免就款六年

挿漢頭日把喇獨兒牧清水河求市大同虎墩兔妻
囊囊台戶率衆三千人犯張家口其諸部中銀定反
青最桀驁不馴屢犯甘肅寧夏永昌等堡小反青犯
遼陽寧遠猛克什力吉能輩亦時時闖入延綏東路
其俗無城郭宮室隨水草畜牧行則車為室止則橐
為廬朝拜日夕拜月其坐長左而面北有徵發及科
稅刻木封箭為信嫁娶先私通掠其女百日後始遣
媒送牛羊馬駝為聘貴兵死葬則歌舞相送挾其長
技上下山谷往來聚散忽如風雨其輕生嗜利喜盜
好殺天性然也山川有陰山狼居胥燕然金微班朱

尼河他人水潤潤納吾兒海產馬駝獐羊角端貂鼠
青鼠土撥鼠納沙鷄東牆曾如獐十月始熟

兀良哈

兀良哈在烏龍江南漁陽塞北春秋山戎地漢為烏
桓鮮卑元魏號庫莫奚唐以後隸契丹西奚保嬌州
北山東奚駐琵琶洲元為大寧路洪武初割錦義連
利諸州隸遼東設都司於惠州領營與衛二十餘所
所謂北平行都司也十四年封子權於大寧為寧王
時宋國公馮勝征納哈出築大寧寬河會州富峪四
城留重兵居守二十一年故元遼主阿札失里及朶

顏諸酋願內附詔以兀良哈地分三衛居之自錦義
度遼河至白雲山曰泰寧衛以阿札失里為指揮使
塔賓為同知自黃泥窪踰鐵嶺至開原曰福餘衛以
海撒兒荅為指揮同知自廣寧前屯歷喜峰口近宣
府曰朵顏衛以脫魯忽察兒為指揮同知並給印俾
鈐束部落為東北外藩朵顏最強其貢路入自喜峰
口而市則在遼東防其變也燕玉起兵從劉家口襲
大寧挾寧入松亭關盡拔諸軍還北平從征有功
遂以三衛地界兀良哈官其酋如洪武時三衛自遼
藩抵宣府幾三千里大寧既棄遼東宣府斷左右臂

乃調營州左屯于順義右屯于薊州中屯于平谷前屯于香河後屯于三河仍隸大寧都司復設東勝中前後三所乎懷仁等處守備然諸部落已列門庭矣永樂三年福餘衛請鬻馬令于廣寧開原互市尋三衛為本雅失里所脅寇掠邊境遣使諭之納馬贖罪然時附阿魯台出沒塞下二十年帝北征旋師召諸將諭曰阿魯台敢為悖逆以兀良哈為之羽翼也當分兵剪之遂簡部騎五萬分為五道往而身率大軍邀其西次屈裂兒河兀良哈驅衆數萬西奔陷澤中麾騎前擊斬級數百自相蹂藉死無筭乘高瞭見其

衆復聚張左右翼夾攻令甲士持神弩伏深林戎寇
至乃發寇騎哭而左右師馳之走林中驚潰死傷略
盡追奔三十餘里蕩其巢而還自是三衛稍創宣德
初朵顏衛指揮哈剌哈孫等朝貢不至武進伯朱榮
請襲擊之不許三年帝巡邊駐石門驛守將奏兀良
哈萬衆入大寧將及寬河諸將請益徵兵帝曰孽寇
無能為也朕以鐵騎三千出其不意成擒必矣遂親
征簡士三千人二騎持十日糧夜啣枚出喜峰口
馳四十里昧爽至寬河寇望見以為乘障遂悉衆前
帝麾鐵騎分兩翼進夾攻之親射其前鋒殪三人飛

矢雨集神機銃疊發賊潰走望見黃龍旗大驚羅拜
請降皆生縛之斬其渠命諸將窮搜窟穴忠勇王金
忠故元器王子及其甥都督把台請自效帝許之或
言忠往且不反帝不聽忠果大獲來歸帝飲以金爵
遂輟賜顧謂王者宜推誠待人漢用金日磾庸不足
法耶洪武初克元上都設開平衛戍守東接大寧西
接獨石各置驛四自大寧既棄開平勢孤五年城獨
若并徙開平衛凡棄地三百里自是盡失龍岡灤河
之險遼陞斗絕益騷然矣六年詔蠲三衛罪許自新
九年瓦剌脫歡攻殺阿魯台因通兀良哈窺伺屢諭

不悛正統二年福餘阿魯反掠葭州獨石守將楊洪
邀擊西涼亭擒百戶乞麻里等命集兀良哈貢使戮
之市諭都指揮安出縛首惡獻明年三衛酋反都等
愬賞薄互市失利非文皇帝故事因陞辭勅諭之其
秋楊洪復破其騎五百於三岔口六年福餘脫火赤
完哈等佯射獵掠還被獲明年復掠遼東守將曹義
擒其酋孛台並磔之九年三衛入寇詔發兵二十萬
分四道成鹵公朱勇出喜峰口左都督馬諒出界嶺
口興安伯徐亨出劉家口左都督陳懷出古北口破
福餘於全寧破泰寧朵顏于虎頭山擒獲萬計而楊

洪出黑山俘斬安出都三衛從此寢衰然怨中國刻
骨遂糾也先入寇為鄉道十二年都御史王翱巡邊
抵廣寧先擒哈伏騎林中總兵曹義擊敗之十四年
福餘泰寧潛結也先入寇朵顏獨托陰不從也先至
不能入大掠二衛人畜去其秋旋與也先合土木北
狩命都御史鄒來學經畧京東罷三衛互市景泰二
年復予貢當閑驗放伴入然三衛常竄名瓦剌使中
窺朝廷遇北使厚不無心望且結婚迤北挾為重稍
用優軼盡沒遼河東西至金河北故地薊遼多事自
此始四年寧泰驛而帖木兒乞大寧廢城及甲盾于

謙持亦不可帝重結三衛歡遣使語大寧城近塞不便
馳突甲省湏寇至乃給謀遂沮六年朵顏諸衛來朝
乞耕地及犁鏵種糧詔予糧三十石未幾寇獨石叅
政葉盛督師却之時三衛多與孛來通貢使浮額景
泰末業從獨石萬全右衛闌入天順中復隨孛來使
石走雲中成化元年孛來為請賞勅諭四方貢使賞
有成額三衛朝貢往從東路喜峰口今朵羅干等擅
易貢道希覲賞朝廷照例分別又何誅焉泰寧兀喃
帖木兒乞市牛及農具并乞賜蟒衣勿予乞聽與民
交易朵顏兀研帖木兒因請職事部議未有成勞不

許二年瓦剌貢馬挾三衛從喜峰口入詔待以三衛
禮勅其渠阿失帖木兒無糾朵顏妄更貢道四年三
衛同毛里孩侵天城遣都督李鐸討之十二年勾亂
加思蘭謀寇遼東勅邊臣備禦然亦未敢深入弘治
中守臣張友揚瓊燒荒出塞掩殺邊蠻遂起朵顏部
落既蕃累肆侵盜而諸部獨花當種最貴次子把兒
孫驍勇敢戰兼結婚小王子為中國患滋甚正德四
年泰寧滿蠻率部落一萬餘欲附居近塞避北寇令
屠故鎮安堡其後花當部屢挾增貢詔漸增一年花
當堅請不從益與小王子合謀十年把兒孫自鮎魚

關毀垣入馬蘭谷殺叅將陳乾命都督桂勇討之把
兒孫遣扯禿來請貢且獻馬贖殺乾罪尚書王瓊持
議必以把兒孫償乾乃罷兵予貢把兒孫謾言呼扯
禿去竟予貢班師亡何復入寇叅將魏祥全軍覆沒
時把兒孫狡劣屢謀奪捕國人不附尋死花當孫輩
蘭台貢馬請嗣兵部令轉譯部落方許貢革蘭台遂
寇漁陽諸小關堡皆殘破嘉靖十一年巡撫王大用
欲賂朵顏滅其霧靈山不果會阿堆哈利赤頻入建
昌喜峯口革蘭台入請升秩御史劾大用去以毛伯
溫代之二十年革蘭台求增貢衛三百人不許請二

百人亦不許時剽掠塞下聲結小王子入寇會俺答
自雲中深入太原不得已許其補前貢失期者衛二
百人二十五年叛人白通導朵顏侵塞巡撫許倫伏
兵斬之明年總兵卻永出塞襲朵顏別部李家庄斬
四十餘級李家庄零騎居近獨石不通大都慣盜馬
狍而善射敵追輒走險然頗能扞邊是役藉怨轉與
敵合而遼東西塞亦以朵顏故頻告警亡何草蘭台
死子影克襲故事三衛以貢時身受職至草蘭父子
始遣人代請而影克剽悍踰於父益誘俺答大入塞
二十九年遂逼都城方寇急數言遼陽軍遼陽軍者

俺荅所呼朵顏也是歲始設薊遼總督以兵戍之歲
塞侯仇鸞調知影克首禍欲發兵掩殺擊總督何棟
以為除朵顏則漠北乘隙憑為巢穴是毀藩籬延寇
以自近也不可已而棟設計擒叛人哈丹兒陳通事
傳首九邊三十六年土蠻打來孫始收三衛事入薊
州挑林口踰建昌營灤河掠永平諸邑三十八年把
都辛愛挾影克寇薊州總督王忬遣總兵馬芳以輕
兵八千馳出其後帝之不敢深入三日引去詔逮忬
論死以楊博代之博至鎮約諸帥同時舉烽燧自居
庸至山海關彌漫千餘里旌旗蔽空礮石震山谷如

是者三北寇大駭終歲不敢近塞明年影克復勾辛
愛犯一片石叅將佟登禦却之明年影克破牆子嶺
大掠通州逮總督楊選論死其冬三衛入貢仍厚賚
之隆慶元年朵顏董狐狸糾土蠻數萬騎入界嶺口
援師四集走捧樵崖迷路枕藉死狐狸亦韋蘭台子
也影克出義院口中火鎗死其子長昂與狐狸頡頏
二年以譚論為總督拜戚繼光大將軍專理練兵浚
隍增障會俺荅奉欵三衛修職惟謹邊鄙稍息而長
昂得襲為都督萬曆元年狐狸索賈喜峰口啟釁繼
光猝銳兵青山衛之務狸以身免明年縛首惡獻予

敎而長昂與叔長禿擾寧前三年繼光逐長昂墜馬
獲之跳上他騎去生縛長禿羈董家口昂納馬攢
刀盟乃釋之已復合狐狸縱掠四年朵顏他部炒蠻
乘夜入鴉鵲安叅將苑宗儒死之六年泰寧連把亥
犯遼東總兵李成梁直搗劈山大破之長昂勒賞阻
諸部入貢遣弟璘金率精騎窺喜峰西掠前屯薄一
片石十一年泰寧伯言把都糾花大等衆攻鎮寧堡
伯言故速把亥子先是連把亥入鎮彝堡成梁遣裨
將李平河逆之射連把亥墜馬蒼頭李有名斬之至
是執仇入犯成梁出兵黑山佯為北伐而夜遣李得

全馳入鎮寧為內應旦日親自搏戰李寧以刀擊花
大傷額貫天中膊大哭失聲遁既而伯言復同長昂
狐狸三萬騎犯廣寧殺掠吏士百餘人平河跳擊之
會大風揚沙晝晦雷雨大作水深數尺走出塞時三
衛屬部八十餘種而長昂狐狸大騁只馬答哈沙蠻
小阿卜房兵力最甚號為六凶然部衆不踰萬十二
年狐狸犯前屯錦義成梁追奔太鹿大定堡多斬獲
其秋長昂入下莊總兵楊四畏擊却之追至老鴉嶺
師還已復糾哈不慎數萬騎以打牲為名圖盜邊會
帝親山陵昂往來紅螺山射獵調部落東西馳甚恣

也然以犯邊罷賞頗窘十三年伯言把都復入塞游擊周思孝逐之走遼河河深不能猝渡成梁追之從丁字泊堡出布陣為一二字一字衝鋒二字繼進伯言挑戰成梁馳之鼓行而前斬首八百級得名王扯征字來等十三人六月狐狸率其屬三百叩關脫帽請甚哀長昂以成梁聲掘穴一夜數徙帳亦哀請款及已得撫則愈驕十四年花大伯言復糾土蠻犯前屯成梁遣輕騎出塞繞其後而自率兵當之夾擊大敗走其秋伯言攻鎮彝堡遼軍禦之三晝夜不解甲復大敗去伯言痛哭曰阿父怨終不可報矣十八年

長昂遣弟獐免撥計來調盟石門游擊陳愚聞紹通
事張五烈慘之其冬昂同弟麟金犯董家口二十二
年哨騎生得伏謀郎打兒罕等七人昂願革二年舊
賞請贖許之昂自是稍戢伯言復入塞總兵董一元
伏精騎鎮武堡大敗之伯言中流矢死二十四年福
餘伯牙兒挾賞羅文峪拒却之明年以千騎哭青山
口連犯扒頭崖三道嶺並失利去二十九年伯牙兒
妻唐翠阿不亥叩關求款命給半賞長昂亦于是戢
復寧前木市馬已而獐免撥計修石門都掠車廠庄
總兵尤繼先擊之紅章溝擒斬八千有奇昂與麟金

代即關三十四年撥計挾賞葦子谷長昂璘金復勾
西部班不來來世等犯山海關明年昂圖獵墜馬死
子賴暈反踵昂轍同璘金糾阿鎮等挾賞擦崖子固
明年大入建昌河流口復糾揀漢鬼台吉寇連山驛
總兵杜松襲拱兔營大斬獲然諸部益閼因入大勝
堡總督王象乾諭諸各聽撫專勅賴璘賴璘勢窮乃
屬西部啞拜台吉聽款四十年賴璘等以千餘騎縱
掠曹庄明年土蠻炒化罕賽煖兔等以三萬騎屯玉
文谷陷七臺朵顏滿旦蠻只亦連犯掛甲嶺麻郎谷
四十三年入窺廠房延燒黃花遠外山場杜松擊火

落赤干柳門敗之四十六年滿旦與子溫布台吉睥
睨石塘間馬蘭亦報鱗金聲犯桃林界嶺薊鎮戒嚴
明年石塘逃擊朱萬良調援遼滿旦母子益恣以萬
騎攻白馬關及高家堡頃之尋盟而他部駱駝郭
賽召里賓等時時入犯天啓中泰寧三衛炒虎等朵
顏衛都督花亥遣可脫赤及危正打喇等皆來貢馬
崇禎元年朵酋來不的即長昂孫三十六家同伯顏
阿亥等與虎墩兔戰放放木林棟漢敗去自此東而
失好遼境稍寧其俗與蒙古同專逐水草善剽竊入
漠北盜馬率三四人驅千百匹追至則降事

原缺